

HI YIHI YINDLU LEYI

UNGA NDZI AKELAKA YONA?

 Ndza khensa, Makwerhu Green. I nkateko. Ndza mi xeweta Makwerhu na Sesi Green, na hinkwavo lava va nga kona mixo lowu. Kutani i nkateko lowu ndzi titwaka ndzi nyikiweke wona, ku ta eka ndhawu leyi yo gandzela kona, ku tava na switiviso switsongo.

² A ndzi lavi ku teka nkarhi wa Makwerhu Green lahayani, hikuva ndzi n'wi twile Makwerhu Green ko hlaya, a vulavula, nakona kahle kahle ndzi vile na nkucetelo, kutani tani hiloko a tisa Rito ra Hosi eka hina, niku titsongahata ha rona. Tolo u teri, "A ndzi kumanga Rito ro huma eka Hosi tani hiloko nkarhi wun'wana Ri nga ha ta hi nhlavutelo, tani hiloko—tani hiloko Ri rhumeriwile, kambe," a ku, "Ndzi lava ku tshikelela ehenhleni ka—ka leswi a nga swivula." U teri, "Tani hiloko Paul a tsarile swin'wana eBibeleni, ndzi tile lahayani ku ta tshikelela leswi a nga swivula." A ku, "A ndzi na hungu, ntsena i ku tshikelela eka leswi swi nga vuriwa khale hi Hosi." Sweswo hakunene swa marakeka, nakulorhi lontsongo wo—wo kotisa yaloye, a ku, a vula marito yo kotisa ya lawa.

Sweswi ntsena a hi veneni na rito ra xikhongelo kun'we.

³ Eka Xikwembu, hi ku tika a ndzi tivi leswaku ndzi nga sungula kwihi, hikuva ndza ku twa leswaku U kona lahayani namunthla, nakona eVukoneni bya Wena minkarhi hinkwayo hi twa switsongo. Nakona ndza—ndza Ku khensa ha nkateko lowu. Sweswi, Hosi, hilaha Wena u nga hi nyika hakona ndhawu leyi, ha khongela leswaku U ta hlangana na hina nkarhi hinkwavo lowu hi nga ta hlangana lahayani. Nakona leswaku Moya wa Wena Lowukulu wu nga ha famba—famba edorobeni leri! Leswaku hi swikota ku tisa Hungu ra Evhangeli leyi hi nga nyikiwa yona ni kuva hi khomisiwa yona emavokweni eka masiku lawa yo hetelela, leswaku Yi nga ha hetiseka, nakona U kuma moya wun'wana na wun'wana lowu wu humaka eTucson nale kusuhu, lowu U nga wu hlawulela eVuton'wini. Hi nyike swilo leswi, Tatana, hi Vito ra Yesu Kreste. Amen.

⁴ Ndzi ehleketa leswaku ndzi ta hlaya vhese nyana ya Matsalwa lahayani mixo lowu, ntsena loko ndzi nga se vula marito lawa lawa ndzi tsakelaka ku mavula. Ya kumeka eka Mintirho, kuavanyisa ka vu7 ka Buku ya Mintirho. Nakona loko ma ha ri eku yi pfuleni, hi ta sungula hi vhese ya vu44.

⁵ Sweswi hi ya eShreveport vhiki leri, rona vhiki leri ri taka, kutava kuri ku landzelelana ka swikhongelo, kutani sweswi hi ta

ringeta, loko Hosi yi swi lava. Makwerhu Moore, Makwerhu Jack Moore, munghana wa kahle wa havumbirhi Makwerhu Pearry na mina, nakona ha n'wi rhandza Makwerhu Jack. Hungu, ndza ehleketa, maendlelo ya matshalatshala ya yena lama ntsongo, ngopfu–ngopfu eka swilo swin'wana leswi hi swi rhandzaka na ku khomelela eka swona na ku pfumela, leswaku—leswaku Swi ta eka hina hi ku pfuriwa ka Swilemo swa Nkombo, tani hilaha hi Ri pfumelaka, tani hi, "mbewu ya nyoka," na "Vuhlayiseki lebyi nga Heriki bya vapfumeri," na—na kuya emahlweni, yan'wana ya Mahungu lawa. Leswaku, kumbexani eka van'wana... A hi ehleketa leswaku Leswi swa tika, kambe, Rona, u fanele ku pfula mbilu ya wena eka Ntiyiso. Hi pfumela leswaku hi hanya eka—eka nkarhi wa le makumu. Sweswo swi ntiyiso ntsena eka hina, leswaku ntsena hi le makun'wini ya patu.

⁶ Ni ku vulavula eka kereke ya munhu un'wana, kunene, u lava ku xixima ku hlayisa ka munhu yaloye, wa—wa ku ku nyika nkateko wo ta eka kereke ya yena. Kutani mina, hakunene, hi kutiva leswaku a va pfumeli eka Sweswo, nakona ndzi ta va xixima hi ku ringanelu leswaku... Ku na vo hlaya vo tlula lava ndzi nga vulavulaka na vona lahaya, handle ko nghenisa Sweswo; handle kaloko ntsena kuri Moya lowo Kwetsima wu kumeka wu Swi susumeta nyana, ma swi vona, kutani ndzi nga ha vula leswaku U teri. Nakona a ndzi switivi ku antswa kutlula ku endla sweswo, nakona ndzi tshembha leswaku a ndzi dyondzanga ku antswa kutlula ku endla sweswo. Wa vona? A hi Ri vuriseni leswi Yena a nga Ri vurisa xiswona.

⁷ Sweswi ntsena a hi hlayeni vhese ya—ya kumbe timbirhi lahwani leti ti—ti humaka eka kuavanyisa ka vu⁷ ka Buku ya Mintirho, hi sungula hi vhese ya vu⁴⁴.

Vatata wa hina a va ri na tabernakele ya vumbhoni emananga, hi laha loyi a nga vulavula na Muxe ngi a n'wi lerisile ku yi endla hi xifaniso lexi a xi voneke.

Kute loko vatata wa hina va yi nyikiwile, va ya nghena na yona emisaveni ya matiko lawa Xikwembu xi ma hlongoriseke amahlweni ka vona, va ri na Yesu; kutani yi tshama kona kufikela minkarhini ya Davida.

Yena Davida a kuma tintswalo emahlweni ka Xikwembu, kutani a kombela leswaku a lavela Xikwembu xa Yakob etabernakela.

Kambe hi yena Solomon la nga xi akela eyindlu.

Ntsena, la-nge-henhla-henhla, a ngaka a nga aki titempeleni leti endliweke hi mavoko ya vanhu; hilaha muprofeta a vuleke loko a te:

Tilo i xiluvelo; xa nga,... yona misava i vunavelo bya milenge ya mina; yindlu leyi mi nga ndzi akelaka yona, yi ngava leyo yini, ku vula Hosi? Ni xivandla lexi ndzi nga wisaka ka xona, xi nga va xihi?

Xana voko ra mina a hi rona leri endleke swilo leswo hinkwaswo xana?

⁸ Ehenhleni ka Leswi, ku hlaiyiwa ka Matsalwa lawa, ndzi lava ku vula marito lama ntsongo lawa ndzi lavaka ku ya vula loko Makwerhu Pearry a nga se tisa hungu ra na mixo.

⁹ Ndzi kumile leswi eka minkarhi leyikulu ya ku endzela ka mina eTucson. Ndzi tile lahawani hikuva ndzi titwe ndzi fambisiwa ku ta lahawani. Ndzi tile lahawani hikuva Moya lowo Kwetsima, hi xivono, wu ndzi rhume lahawani. Ndza switiva leswaku swi nga ha endleka swi chavisa, kumbexani. Kambe Xona, tani hilaha ndzi switivisaka xiswona, swin'wana na swin'wana leswi ndzi swi tivaka hi Xikwembu, ndzi rhume hi xivono eTucson. Ndzi hlamarile hilaha ndzi nga rhumeriwa hakona endhawini ya mananga leyi. Kutani lahawani hilaha ku nga na...

¹⁰ Hi ku vulavula ka ximoya, edorobeni, a ndzi tivi ndhawu yin'wana laha ku nga na votala lava va nga fa eximoyeni, kutlula edorobeni ra Tucson. Kuna nyimpi exikarhi ka tikereke. Kuna huwa exikarhi ka tinhlengeletano. Ku hava ntwanano, kutani un'wana na un'wana u ombole, a khomelela, niku titlimbeletela, niku ringeta ku kuma *leyi* yin'wana, na ku ncicela kun'wana. Yo va mananga, hi ku vulavula ka ximoya, nakambe.

¹¹ Kambe kwalaho ndzi hlayile eBibeleni, laha Xikwembu xi nga vitana Muxa a ri ekule ni va rhandziwa va yena ni hinkwavo lava va n'wi rhandzaka, kutani xi n'wi rhumela emananga, ku ya tsala Milawu ya Bibele. Yaleyo a yi ri Testamente ya Khale, Tibuku ta mune to sungula, Genesa, Levitika, na Deuteronomia, Eksoda. U... A ndzi kalanga ndzi tivila hi ku landzelelana, kambe i Tibuku teto ta mune. Teto hakunene i Testamente ya Khale. Hikuva, hinkwayo ka Yona a yi ri leyi vaprofeta va nga vula, eka Tipisalema ta Davida, na kuya emah̄weni, kambe Tikronika ta tihosi. Kambe leyi hi yona timintsu ta Testamente ya Khale. A kuri Muxe loyi a nga ti tsala endzhaku kaloko a tava a vitaniwile etiko-xikaya ra yena, laha a nga tswaleriwela kona niku kuriseriwela exikarhi ka vanhu va ka vona, nakona u rhumeriwile emananga, ku ta tsala Buku leyi ya Testamente ya Khale.

¹² Kutani ndzi kumile sweswo eBukwini ya Testamente Leyintshwa, laha Paul, a nga mutshahi, kumbe ku ngari mutshahi, kambe mutsari wa Testamente Leyintshwa. Nakambe u humesiwile exikarhini ka vanhu va yena, nakona, hi Moya, kuya eArabia, laha a ngava kona malembe manharhu na hafu, ku ya kuma nhlohlotel. Nakona Paul hi yena lonkulu eka ku tsala Testamente Leyintshwa. Sweswi, kuna Matewu, Marka, Luke, na Yohana, kambe a vari vatsari lava ntsena va nga tsala leswi Yesu a nga swivula tani hiloko va N'wi landzela. Kutani, kambe, loko mi teka Buku ya Timotiya, ku

ya fika eka Varhoma, na le ka Vaheveru, na kuya emahlweni, Paul u amukerile nhlohlotelwo tsala Testamente Leyintshwa; ari karhi a teka Testamente ya Khale tani hi ndzhuti, ni ku yi tshamisisa hi ndlela leyinene. Nakona Xikwembu xi swi xiximile, niku swi endla Testamente Leyintshwa.

¹³ Kutani loko Testamente ya Khale ya ha fanele ku yi susa mu...mu mutsari u ta fanelu ku susiwa eka vanhu va yena, ku ya emananga, ku ya kuma nhlohlotelwo tsala Testamente ya Khale. Nakona eka Testamente Leyintshwa, mutsari u susiwile hi Mutshahi, ku ya endhawini ya le mananga, ku ya kuma nhlohlotelwo tsala Testamente Leyintshwa. Nakona Tibuku ti lemeriwa hi Swilemo swa Nkombo; nakambe swa ha ta lava swo fana, ndza pfumela, eka masiku lawa, ku pfula Swilemo swa Nkombo leswi. Ku tshika leswi u nga swi khomelela murhandziwa, ku ya laha u nga ta khomelela kona, na ximutana lexi ndzi nga nyikiwa xona hi vanhu, na le xikarhini ka hinkwavo vanhu va mina na vanghana, na kereke leyi yi humelelaka, nakona yi nga pfumali nchumu; na ku—ku swi tshika sweswo, u fambela ekule na swona, ni ku fambela ekule, emananga laha u nga tiveki munhu, na hinkwaswo swi lwisana na wena.

¹⁴ Kambe ku na swin'wana ha Xikwembu, laha Xi fambisaka munhu ku endla swilo leswi swi nga hundza ku ehleketa kun'wana ka yena n'winyi, swingaleswi swi ngava swi ri ka ku kwetsima niku xixima Xikwembu. Kutani ndza swi twa sweswo, ku ngari ku ti xixima, kambe ndzi—ndzi titwa ku ri nkateko wa ku tshika hinkwaswo leswi swi nga vuriwa leswi swi rhandzekaka eka mina, ku ta lahawani emananga ni ku hlupheka tani hilaha ndzi nga se tshamaka ndzi hluphekisa xiswona, lahawani emananga, kumbe kwandasi leri. Kambe ndza pfumela, hi ku endla sweswo ni ku yingisela leswi Xikwembu xi nga swi lerisa leswaku swi endliwa, Xikwembu xi hi pfulerile swihundla swa siku leri ro hetelela. Nakona hi lahawani na Hungu leri.

¹⁵ Sweswi, kuna vanhu votala lava va ndzi landzelaka, nakona sweswo a hi leswi swoka swi nga tolovelakangiki. Hi ntoloveloo munhu ha... Vanhu va rhandzana, nakona swi hi, rirhandzu, ri ku endla u endla swilo leswi a wu nga ta ehleketa leswaku u nga swi endla. Kutani votala va n'wina mi siyile makaya, mi siyile hinkwaswo, ntsena ku famba, mi huma mi ta lahawani emananga.

¹⁶ Votala va ndzi vitanile, votala va ndzi komberile, "Leswaku xana u nga ta eArizona? Yi nga hava yiri ndhawu ya kahle eka hina?" Kunene, tani hilaha swi nga vuriwa ha Muxenona bona, a kuri hava ndhawu ya muhandzu, ku hava ndhawu ya muhandzu wa "pomegranate."

¹⁷ Lahawani ku hava ntirho lowukulu wo wu endla, nakona ku hanya ku le henhla, na ku durha ka ku hanya kule henhla.

Yo va ndhawu yo nonohwa ku hanya ka yona, i Tucson, Arizona; miholo yile hansi, na—na swakudya swi tlakukile, na kurbenta. Yo—yo va ndhawu leyi yi chavisaka ku hanya eka yona, hi maendlelo ya lawa. Kambe ku kahle hi rihanyo, ku omile. Nakona hina nkarhi wun'wana... A hi fanelanga hi nghenisa fexeni ya miehleketo ya hina eka swilo swa misava.

¹⁸ Hi boheka ku languta eka ku rhangeriwa hi Moya lowo Kwetsima. Kambe nchumu wun'we lowu wu ndzi karhataka hi ku ta lahwani, ni ku byela vanhu leswaku, kumene, “a mi fanelanga ku ta” kumbe “mi fanele ku ta,” leswaku ndza siya kufika eka un’we, hi ndlela leyi Xikwembu xi fambisaka yaloye un’we ku swi endla. Ndzi ehleketa leswaku un’wana na un’wana wa hina u fanele ku swi endla sweswo, mi rhangeriwa hi Moya, eka leswi mi nga ta swi endla.

¹⁹ Nakona votala va n’wina lahwani mi huma kurbhendzeleka hi Jeffersonville, na nhlengaletano lahaya, nakona mi tile lahwani. Sweswi, nchumu lowu wu ndzi karhataka, i ndhawu yo gandzela.

²⁰ Nakona ndzi swi lemukile, tani hiloko ndzi hlaya eMatsalweni lahwani, hi Stefano na ku vulavula ka yena loko a nge se fa; hikuva va n’wi khandlile hi maribye xikan’we-kan’we endzhaku ka swona, hikwalaho ka hungu ra yena. Tani hiloko a ha vulavula, a ku, “vatatana va hina,” a vulavula hi Vaheveru eka masiku ya khale, hilaha va nga ringeta ha kona ku kuma ku rhandziwa hi Xikwembu, ku aka ndhawu yo gandzela. U vule leswaku, “Solomon u Xi akerile yindlu, kumbe muaku.” Ha fambelana na xitorhi.

²¹ Kambe ndzi rhandza marito ya yena lawa ya landzelaka, “Ntsena la nge Henhla—henhla a ngaka a nga aki etindlwini leti ti endliweke hi mavoko ya vanhu,” kutani ndhawu yin’wana eka Esaya. U teri, ““Miri lowu Wena u nga Ndzi lunghisela wona; wa vona, gandzelo na minyikelo, na miako, na kuya emahlweni, kambe miri lowu Wena u nga Ndzi lunghisela wona.”” Kunene, ha swilemuka leswaku a vulavula hi miri laha Xikwembu xi tabernakelaka kona, eka Kreste.

²² Kambe ndza pfumela namuntlha, leswaku nhlohloteloo lowu wu taka eka—eka Makwerhu Green, ku famba lahwani, yena na Sesi Green, va ri karhi va tshika tindhawu ta vona endzhaku evuxeni, nakambe, na vona, endzhaku eTexas, ku ta lahwani na...ku sungula hi leswi ngariki nchumu; ntsena hi ku olova hi nhlohloteloo, va ri karhi va ti twa leswaku va nga swi endla. Ndzi khensa vavanuna lava va nga ta landzelela ku rhangeriwa hi Kreste, swi ngari na mhaka ni leswaku swi va durhela ku fika kwahi.

²³ Hilaha misava hinkwayo, kumbexani vanghana va n’wina va le kusuhi, ehleketa leswaku mi hoxile, kambe a swihoxekanga eka n’wina. Ntsena loko ma ha titwa leswaku

kuna swin'wana endzhaku ka sweswo, i Xikwembu xi mi fambisaka; a swi kalanga swi hoxeka, nakona minkarhi hinkwayo swi ta hundzulukela ehandle.

²⁴ Ma va vona vatekani lava lavantsongo, jaha leri ri nga nyikiwa. A ndzi vuli leswi hikuva u tshamile lahwani. Kutani manana loyi lontsongo na vana va yena, na ndyangu wa yena ku wu kurisa, nakona u tshikile ntirho wa yena na hinkwaswo, ku ta lahwani.

²⁵ Ndzi swi lemukile sweswo eka malembe lawa ya nga hundza ndzi nga vitaniwa eka ministri. A ndzi kalanga ndzi endliwa mufundhisi loyi a nga humeleta, hikuva ndzi na lowu wu jika-jikaka, moya lowu wu nga ekutsendzelekeni. Ndzi ngaka ndzi nga enetisiwi hinkwako. Ntsena laha Moya wu yaka kona, ndzi ta fanela ku famba na Wona, hikuva ndzi na Hungu. Yesu u teri, "Ndzi boheka ku chumayela eka doroba leri na rona."

²⁶ Kambe ku na lava va nga varisi lava va langutelaka ntlhambhi. Ndzi tsake ngopfu leswaku Makwerhu Pearry u landzelerile ku fambisiwa hi Moya lowo Kwetsima, nakona namunthla hi na tabernakele. Hi leyintsongo. Sweswo swi saseke ngopfu ku sungula hi swona, ku vona Moya lowo Kwetsima... Hi ngari eku switiveni, ntsena a hi fambeni hi goza na goza. Sweswi, ndza pfumela, loko hi leswaku Xikwembu xi vulavurile na Makwerhu na Sesi Green, ku ta lahwani, nakona xi pfurile ndhawu laha vana va hina; ematshan'wini ya Sonto ni mixo va khandziya swikanyakanya swa vona, nakona va va eswitarateni niku tsutsuma-tsutsuma hinkwako, va na ndhawu yo ta eku gandzeleni, ematshan'wini ya hina kuva hi tshama ehansi hi yingisela swin'wana leswi hi nga swi twa eka xiya na moyo, laha swi nga kahle.

²⁷ Kambe hina, tani hi ntlawa lowu wa vanhu, hi na Hungu ra siku leri. Hina, hi pfumela leswaku Xikwembu xi hi nyikile Hungu. Kutani Makwerhu Green, i, a ndzi lavi ku n'wi vitana mupfuni wa mina, hikuva hi... Kunene, swi tano, nakambe, mupfuni wa mina, hi kun'we eka Hungu leri. Makwerhu Green u chumayela swo fana na Hungu leri ndzi pfumelaka eka rona. U siyile kaya ra yena, u siyile vanhu va yena, u siyile kereke ya yena. A ri tano, ndza pfumela, a ri superintendente wa xifundzha kumbe swin'wana, kumbe yin'wana ya minhlangano, na ku tshika hinkwaswo loko a tava a twile Leswi. U siyile hinkwaswo leswi a swi rhandzeka eka yena, nakambe, a ta emananga, ntsena ku seketela leswi Xikwembu xi nga eku hi nyiken'i swona sweswi.

²⁸ Ndzi vula leswaku a swi nga fanelanga leswaku swi va etimbilwini ta hina, ku fanele kuva ntirho wa hina ku n'wi seketela, hinkwaswo leswi hi nga swikotaka, ku ta a swikhongelweni, ku ta lahwani hi ta gandzela, ni ku endla lahwani yi va ndhawu laha Xikwembu xi nga hi paluxelaka

swilo leswi Xi nga hi khomela swona leswaku swi paluxiwa. Kutani tani hilaha rito ra yena ri ngeteri, "Hungu a ri ti eka mina hi ku nyika nhloholotelo, tani hilaha swi nga endleka kumbexani eka van'wana va hina, kambe," u teri, "Ndzi lahawani ku ta seketela leswi Xikwembu xi nga swi nyika." I xitetimente xa njhani! Nakona ndza pfumela, loko hinkwerhu hi nga tirhisana kun'we, hi ta vekela timbilu ta hina eka swona.

²⁹ Ndza switiva leswaku un'wana na un'wana wa n'wina, loko mi titwisa leswi ndzi titwisaka xiswona, ndzi na ndlala ya ku vona Moya wa Xikwembu wu famba-famba, ntsena hi ku tika ndzi ngaka ndzi nga swiyimeli. Mintokoto yin'wana leyi ntsena ndzi ngava na yona ehenhla etitshaveni, ntsena ku titwa nakambe eka sweswo, laha Nchumu walowo loko ndzi tava ndzi hundzukile ro sungula a wu kwetsima embilwini ya mina! Nakona hi nga ha fika endhawini, hi nga ha tshama kutani hi swi vona exikarhini ka hina, leswaku hi le ku omeriweni. Tani hiloko hi tshama lahawani emananga, ndzi kumeka exikarhi ka vamakwerhu va mina, va vulavula na mina na mina ndzi vulavula na vona; minkarhi hinkwayo, hi ndlela yintsongo yo hlalela, hi tatiwa hi Moya lahaya, tani hilaha a swi ri xiswona, ku vona xiyimo xa makwerhu yaloye, ku vona leswi swi nga hoxeka. Ndzi sungula ku va hi titwa hinkwerhu hi ri na kuseketelana, hi fambela ekule na Moya. Swi hundzuka nchumu wa ntumbuluko ngopfu eka hina. Hi boheka ku gandzela eMoyeni, laha Moya wa Xikwembu... Ku ngari ntsena leswaku Hungu ra hina ri faneleka kuva ku pfurha ka awara, ri fanele ri va ku pfurha etimbilwini ta hina. Wa vona? Ri fanele kuva endzeni ka timbilu ta hina, kumbe a hi nge—a hi nge swikoti kuva hi Ri vula kahle evanhwini. Moya hi wona wu fanelaka ku paka Hungu, wona hi Woxe. Nakona ndzi tshebhele na ku pfumela eka un'wana na un'wana wa n'wina, kuva Mukreste wa xiviri.

³⁰ Sweswi va lava vadyondzisi va xikolo xa Sonto. Va ta lava xitafu. Nakona ndzi lava ku vula leswi leswaku mi ta swi twisisa hi ku tiyisisa. Leyi i kereke ya mina.

³¹ A ndzi ri lahawani malembe manharhu. Nakona ndzi vile na nyangwa wun'wana wu nga ndzi pfulekela, yaloye ari Makwerhu Mack a nga ndzi kombela ku ta ndzi ta chumayela. Xikwembu a xi n'wi katekisi. A ndzi rhambiwanga hi vanhu van'wana; kuri hava leswi swi lwisanaka na vona, va kahle. Makwerhu Brock, munghana wa mina wa kahle, Makwerhu Gilmore, votala va makwerhu lava va Pentekostal lahawani, i va, i va nkoka vanghana va kahle va mina. Ndza va rhandza; ku hava lexi xi lwisanaka na vona. Ndzi twisisa swiyimo swa vona. Va ngaka va nga ndzi rhambi lahaya, nakona va tshama va hari eka nhlangano wa vona. Wa vona, va ngaka va nga swi endli. Hikuva, loko va swi endla, va hlongoriwile. Swingaleswi ma swivona swiyimo swa vona. Ndzi vile na nchumu wo fana

ku wu kongoma. Kambe, mina, swi nga hava tano minkarhi hinkwayo, “Lavani Mfumo wa Xikwembu kusungula,” ku rhandza ka Xikwembu.

³² Kutani sweswi, Makwerhu Green yaloye, Xikwembu xi n’wi rhumerile lahawani ni ku hi pfulela kereke yo kotisa Ripfumelo ro saseka leri hi pfumelaka eka rona, hi fanele ku khensa swinene eka Xikwembu, ni kuta eka xikhongelo xin’wana na xin’wana, hi teka ndhawu yin’wana na yin’wana leyti hi nga yi tekaka. Nakona loko hi nga komberiwa ku vitana, ku khongela, ku lava, ku endla, a hi veneni masocha eka...ntsena hisekelani ku swi endla. Wa vona?

³³ Endlani leswaku Hungu ri xiximeka, kutani mi hanya vutomi bya kahle. Mi nga pfumeleli ku sandza kuta ehenhleni ka Rona. Hi hanya laha nkarhi wu nga famba sweswi. Hi—hi hlwerile eka awara. A hi Ri hanyeni hi ku basa. Kunene, vutomi bya mina, vutomi bya n’wina, hinkwabyo vutomi bya hina byi lava ku pakiwa, emahlweni ka Xikwembu.

³⁴ Vanhu va hina lavantsongo vo tsutsuma-tsutsuma hinkwako, kusuka endhawini kuya eka yin’wana, kusuka eka nkombiso ku ya eka nkombiso, ni kuva eka nhlaluko kule nale kule ngopfu kusuka eka Xikwembu. Hi swona. Sweswi, walowo i ntiyiso. Ndza swivona eka vana va mina, nakona ndza swivona hi vumina ndzi kumekaka endhawini laha ku ngariki...N’wina, mi fanele ku hlengeletana kun’we hi vuhina, hi gandzela Xikwembu; Bibele yi vula tano, “Loko hi vona siku leri ri tshunelela, swotala swi hlengeletana kun’we.” Loko kuri na vanhu vambirhi ntsena lahawani, u tava un’wana wa vona. Sweswi sweswo...Nakona loko hi ta kun’we hi gandzela kun’we, kutani ntsena hi ta, swin’wana swo hambana ha swona, Yesu u teri, “Laha vambirhi kumbe vanharhu va nga hlengeletana kona hi Vito ra Mina, Ndzi tava exikarhini ka vona.”

³⁵ Sweswi, tani hilaha ndzi vuleke ekusunguleni, Makwerhu Green u ndzi byerile, nakona u swi vurile. Nsati wa mina u tile, u ndzi byele leswi a nga swivula loko ndza ha fambile. Leswaku, nakona u vurile mixo lowu leswaku, “Phulphiti yi pfuleriwile nkarhi wun’wana na wun’wana.” Sweswi hi ntolovel... Sweswo, i ku pfuleriwela mina leswaku ndzi ta vulavula.

³⁶ Sweswi, hi ntolovel, ndzi fanele hi ku chayela kuya eJeffersonville, Indiana, kuya nyika Hungu leri Xikwembu xi nga ndzi nyika, kuri tisa evanhwini; ku famba ndlela hinkwayo kuya eJeffersonville, Indiana, nakona un’wana na un’wana wa n’wina mi xinari xo chaya ku rhendzeleka hi tiko, mi ri karhi mi phasa tiwayere na swin’wana, ku endlela ku kuma Hungu, hikuva sweswo hi leswi hi hanyaka eka swona. Wa vona, sweswo hi leswi hi nga tela swona. Kunene, a hi fanelanga kuva na sweswo nakambe.

³⁷ Xikwembu xi ndzi nyikile Hungu, ndzi nga ha ta eka phulphiti lahwani ndzi ta ri chumayela, ni ku twa ndzi tshuxekile ku swi endla. Ina. Nakona ndza pfumela, ha sweswo, leswaku Xikwembu xa Matimba hinkwawo xi ta mi katekisa loko ntsena mi nga yima hi kereke leyi sweswi, ntlawa lowu wa vanhu. Ku ngari sweswo ntsena, kambe a hi yeni ehandle hi ya vona loko hi nga kumi van'wana lava va nga ta nghena. Wa vona, a hi vulavulen na van'wana hinkwako, hi vulavula na vona hi kereke ya hina ni leswi yi vulaka swona. Leswi kereke ya hina... Hi lahwani. Hi mi lava leswaku mi ta, mi nghenisa valuveri, nakona ndzi na ntiyiso wa leswaku swi tava swi ri kahle eka hina hinkwerhu. Wa vona? Hi na muako, laha hi khensa ha wona. Ha khensa hi ndhawu leyi, ku hlengletana kun'we.

³⁸ Kambe, "Ntsena loyi a nga Henhla-henhla a ngaka a nga aki titempeleni leti endliweke hi mavoko ya vanhu, wa vona, 'Hikuva Tilo i xiluvelo xa Nga, misava i vunavelo bya milenge ya Mina; nakona xi kwihi xivandla lexi Ndzi nga wisaka eka xona? Handle ka miri lowu U nga Ndzi lulamisela wona.'"

³⁹ Nakona hi Miri wa Kreste. Swingaleswi tani hiloko hi suka eka muako wun'wana kuya eka wun'wana, ndza pfumela, hi ku tisa Mahungu ya hina, nakona hi ta ta hi tava na swikhongelo swa vavabyi. Kutani swin'wana na swin'wana leswi Hosi yi nga ta hi paluxela swona ku swi endla, hi tava na swona kona kwala ekerekeli, ku fikela laha swi kukumukaka swikula mi swi teka mi swi yisa kun'wana, na kun'wana, ku fikela laha Yesu ataka. Xikwembu a xi mikatekisi.

⁴⁰ [Makwerhu Pearry Green a va na marito, kutani a kombela Makwerhu Branham leswaku a n'wi tlhandleka mavoko ku n'wi xixima hi ku n'wi hlawula. Xivati lexi ngariki na nchumu eka thepi—Muhleri.]

A hi korhamiseni tinhloko ta hina.

⁴¹ Xikwembu lexi xi rhandzekaka, tani hilaha hi nga yima lahwani eka platifomo leyi, laha hi yimelaka, kona kwala ealtaren, ha swilemuka leswaku hi—hi rixaka leri ri faka ra vanhu, tani hilaha misava leyi yi nga hakona. Hi languta ehenhlemi ka switarata kutani hi vona vudyoho byi tsariwile hinkwako, ni hilaha ku Kwetsima ka Hosi ku fambaka hi rivilo. Kutani ha switiva, loko ku Kwetsima ka Hosi kuya ehenhla, swingaleswi na Kereke ku ta famba na Kona. Xikwembu, hi lava kuva kwalahaya.

⁴² Ntsena eka masiku ya ntsongo lawa ya nga hundza, a ndzi yimile lahwani eka khona ya xitarata, ntsena ku tsemekanya xitarata, ndzi hlalela paredi yaleyo loko yi famba exitarateni; niku vona lava va First War va khale

va mathangi lawa a ya rhangela ndlela, hiloko ku ta thangi lerikulu ro tika ra Sherman, endzhaku ka sweswo ku landzela na ku landzela na ku landzela, kutani ku ta vamanana va nyeleti ya nsuku; xindyangwana lexi xi nga fayeka nyana, na nsati loyi a rilaka, na jaha nyana ro khwaxa ri nga lahlekeriwela hi papa wa rona, mukhegula u lahlekeriwele hi jaha ra yena. Ndzi ehleketa, “A swi ri na vusiwana njhani,” ku yima ekhoneni ya xitarata na ku hlalela swin’wana swo kotisa sweswo loko swi hundza. Kutani hi ku lemuka, ntsena loko va ha hundza muako lowu, vunanga byi ncincile byi ya eka *Masocha ya Vakreste, lava va yaka eMahlweni*. Vari karhi va macha, endzhaku; kambe loko va hundzile xindhawani lexi!

⁴³ Xikwembu lexi xi rhandzekaka, ndzi ehleketa hi nkarhi wun’wana wa kahle wu taka, nakona walowo wu tava wuri ku pfuka ka vafi, loko lava khale va ta humelela ro sungula, vakwetsimi, vapatriarka. “Hikuva hina lava hi hanyaka hi ngaka hi nga siveli kumbe ku rhangela lava va etteleke; hikuva mhalamhala ya Xikwembu yi ta twakala, kutani lava va feleke eka Kreste va ta rhanga va pfuka.” Kutani loko hi vona vukulu byebyo...ntsena ku famba ka vanhu, va macha ehenhla eka swibakabaka; nakona hi tava hi yimile, hi rindzerile ku ncinciwa ka hina, hi ri karhi hi tiva leswaku hi ta wela eka ntila, nakambe. Xikwembu, hi endle masocha yo tshembheka.

⁴⁴ Ntsena lava va nga tihlanganisa ni kuva va ri enyimpini va ta switiva leswaku sweswo hakunene swivula yini, ku vona mathangi lawa ya vumbuluka ekusuhi. Nakona, Xikwembu, hi ehleketa leswaku lava avari enyimpini ya vutomi va ta switiva leswaku sweswo swi vula yini, loko ha ha rindzerile ku tlhela ka hina kuya wela eka xiyimo na ndhawu, eka ku pfuka ka vafi, kuya ehenhla.

⁴⁵ Kutani loyi, boti wa mina lontsongo, u yimile lahwani, a leteriwile kahle, a ti lulamiserile, a ambele, a yimele mukhalabya a ta n’wi tlhandleka mavoko, un’wana loyi a nga wa khale mulwi wa nyimpi wa khale loyi ari eka layini yale mahlweni, ari karhi a tiva leswaku u ta joyina nyimpi, na yena. Xikwembu lexi rhandzekaka, hi mavoko lawa ya nga fanelangiki ndza ma tlhandleka ehenhleni ka boti, hi ku yimela Wena. Katekisa Makwerhu Green, Xikwembu lexi xi rhandzekaka, loyi ndzi n’wi katekisaka hi Vito ra Yesu. Leswaku a nga ha rhwala Hungu leri, Hosi, kuya eka doroba leri ni laha U nga ta n’wi vitana kona. Leswaku a nga ha tshembheka, a tatiwa hi Moya, a hanya vutomi byale henhlka ku soriwa. Xikwembu, n’wi pfumeleli a va na timbilu ta vanhu, leswaku a nga ha vadyondzisa ni kuva rhangela ni kuva kongomisa eka ndlela leyi hinkwerhu hi tsakelaka ku famba eka yona. Hi nyike, Hosi.

⁴⁶ Katekisa nsati wa yena wo tshembheka, swihlangi swa yena. Katekisa matshala-tshala ya hina lahwani kun'we, tani hi vamakwerhu va Vakreste lahwani emisaveni, leswaku hi nga ha rhwala Evhangeli leyi kuya emakun'wini ya misava. Rhumela Moya wa Wena ehenhleni ka yena, Xikwembu. Ha khongela hi Vito ra Yesu Kreste, tani hilaha hi Ku nyikaka yena. Amen.

Xikwembu a xi ku katekisi, Makwerhu Pearry. Rhwala Rito ra Xikwembu!



HI YIHI YINLU LEYI U NGA NDZI AKELAKA YONA? TSO65-1121
(What House Will You Build Me?)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Hukuri 21, 1965, a Tucson Tabernacle eTucson, Arizona, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Kitsonga wu tsariwile wu hangalasiwa hi Voice Of God Recordings.

TSONGA

©2014 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
P.O. Box 178, SOMERSET WEST, 7129 CAPE PROVINCE,
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org